

瓊山縣志卷之六

建置志八 倉儲

清朝康熙十九年奉文令各省州縣設立常平倉瓊
邑舊建常平倉一十五間在縣署大堂東西兩
傍原額貯穀一萬一千五百五十九石六斗五
升一合二勺 舊志 下全

雍正四年奉文裁汰海南衛將屯田丁糧歸併瓊
山徵收歷任官各捐造倉廩一十九間在府城
丁字街海南衛舊署原監米二千四百石算穀
四千八百石

雍正六年知縣楊仙椿請項建造倉廩在海口南

瓊山縣志 卷六

建置八 倉儲

門內一十五間收貯奉撥海康縣均貯穀六千
零四十石零三斗四升八合八勺

乾隆二年署縣事魏縮請項建造倉廩在府城靖
南街共七十五間又縣衙箭道內建倉一十五

間收貯奉撥增貯瓊邑監穀六萬石 內除儋州 文昌臨高

代領回穀三千零七十四石 實存領運撥抵穀 一才四升七合倘未買補外

共五萬六千九百二十五石八斗五升三合

乾隆二年奉撥省穀來瓊平糶存倉未糶撥作增
貯穀一千六百三十二石五斗六升七合撥貯

瓊倉

乾隆四五年間奉文在本邑捐緡監生捐者二名

納穀四百石正十年奉文酌減捐納穀石捐者
一名納穀一百七十石正并彙貯瓊倉

以上遞年奏銷報收現貯穀共八萬一千五百二

十八石四斗二升以上俱舊志

據郡志府常平倉四一在府署大門一在府署後一在城內東周巷一在

經歷司署旁共貯谷二萬六千一百六十二石零七

升縣常平倉五詳見原貯穀七萬七千六百九

石零乾隆三十一年奉文將府倉穀併歸縣倉

共貯穀一十萬零一千一百七十一石一斗二

升零二勺

瓊邑徵收倉糧向無折色俱係徵收色米雍正七

瓊山縣志 卷六

建置八 倉儲 二

年奉文半米半穀徵收至今並無更改通共額

徵倉糧米四千五百七十三石五斗二升零一

勺五抄二撮八圭四束五粒五截七糊一糠舊志

附 社倉

康熙十九年奉文令各省州縣設社倉義倉勸諭

官紳士民商賈捐輸米穀公舉敦重良善之人

掌管借貸取息以備賑濟列冊詳報前此地方

官有無實力奉行今皆無所稽考雍正二年奉

旨各省州縣設立社倉勸諭士民捐穀積貯每鄉設立

社正一人社副一人以掌之紳士耆民遵照奉

行樂輸穀石分貯各社令各社正副收管舊志下全

一下窰塔社倉一座貯穀一百二十七石三斗三升六合

一烈樓市社倉一座貯穀一百四十六石九斗三升八合

一石邊村社倉一座貯穀一百三十石零五斗八升六合

又海南衛歸併各屯社倉共勸捐穀一百一十石內分貯

- 一左所青甯屯社倉一座貯穀二十三石正
- 一左所南黎屯社倉一座貯穀二十七石正
- 一前所徐家屯社倉一座貯穀三十五石正

瓊山縣志

卷六

建置

附社倉

三

一前所坡口屯社倉一座貯穀二十五石正

以上俱舊志

以上社穀今俱附平常倉收貯據郡志原捐續捐共一千一百五十四石八斗五升三合又郡志有屯羨穀一百八十八石五斗一升九合零未詳收貯何所

義倉明萬曆二十四年巡按劉會建久廢穀歸社倉

郡志

府義倉在府署後康熙四十三年知府賈棠建勸捐貯穀以備災祲饑則借給民食熟則輸還擇里老董之後併歸瓊山社倉四十五年買瓊山縣河口等處秧地八坵用價銀二十五兩歲收

租穀散給孤貧瘋疾口糧行縣知照契券存府
備案上全

約亭

清朝順治九年頒行六諭令地方官責成鄉約人等
每月朔望宣誦

一孝順父母
一尊敬長上
一和睦鄉里
一教訓子孫
一各安生理
一莫作非爲

康熙九年復頒十六條十八年頒鄉約全書每月
朔望有司偕紳衿齊集公所及軍民人等俱聽
宣講

一敦孝弟以重人倫
一篤宗族以昭雍睦

瓊山縣志

卷六

建置八 約亭

四

一和鄉黨以息爭訟
一重農桑以足衣食
一尚節儉以惜財用
一隆學校以端士習
一黜異端以崇正學
一講法律以儆愚頑
一明禮讓以厚風俗
一務本業以定民志
一訓子弟以禁非爲
一息誣告以全良善
一誠匿逃以免株連
一完錢糧以省催科
一聯保甲以弭盜賊
一解讐忿以重身命

雍正二年頒

聖諭廣訓又頒十二條附律令鄉社設立約亭每月朔
望紳衿耆民人等就各約亭宣講

郡城約所在

海口約所在 關帝廟

大林木約亭一所

靈山市約亭一所

茄茂市約亭一所

新市約亭一所

乾橋市約亭一所

龍塘市約亭一所

道斐村約亭一所

係大小側都地方乾隆年間遷建于本圖中王樓村口官路旁道光十五年訓導王魁衡倡眾添建文昌閣一座並左右迴廊與約亭連接○採訪冊

雲道村約亭一所

係永都地方

建置

約亭 五

瓊山縣志 卷六

邁涯村約亭一所

濱選村約亭一所

西場村約亭一所

石山市約亭一所

西潭都約亭一所

斌豪市約亭一所

吳西村約亭一所

汛馬亭約亭一所

大坡市約亭一所

係東洋一地方
係振英地方
係東都地方
係永都地方
係邁都鄭都二圖地
係大挺都地
係元都地
在開文圖亭中崇祀文帝為

以為土子進學賓興之資○採訪冊

按各村各堡今俱設立約亭採訪或未之及無

由詳錄

講約條例

縣城及大鄉村各立講約之所設立約正一人擇舉貢生員老成有學行者爲之值月三四人擇樸實謹守者爲之置二籍德業可勸者一冊過失可規者一冊值月掌之每月朔日舉行屆期約正值月約同鄉之人及耆老里長皆至相對三揖以齒分左右立設案於庭中值月向案北面立抗聲宣讀

聖諭廣訓衆人肅聽約正復推說其義剴切叮嚀務使警悟通曉未達者仍許其質問講畢於此鄉內

瓊山縣志

卷六

建置

約亭

六

有善者衆推之有過者值月糾之約正詢其實狀衆無異辭乃命值月分別書之值月遂讀記善籍一遍其記過籍呈約正及耆老里長默視一遍皆附值月收之事畢衆揖而退歲終則考校其善過彙冊報縣設爲勸懲之法有能改過者一體獎勵使之鼓舞不倦

舊志

建置志十四 養濟

養濟院在城東關內原額孤貧四十五名口原額銀八十七兩八錢八分每名合支銀一兩九錢五分二厘八毫康熙四十五年太守賈公棠捐置東廂二土名河口田二十七工大小八坵雍正五年太守宗公思聖知縣楊仙椿詳撥奉裁天主教內打鉄田三丁大小七坵苗米三斗在澄邁新安圖另戶輪納每年租米六十四筭又雍正十二年太守宗公思聖知縣鮑啟泌買置土名深田洋田三丁每年租米一百二十筭內除三十筭納糧外存米九十筭給流丐瞻養乾隆

山縣志 卷六

建置九 養濟

七

隆三年奉文自本年始每名每日給銀一分歲共銀三兩六錢并飭署縣事張瑄查報額外孤貧四十七名口乾隆九年奉文額外孤貧在於該年田房稅羨銀內赴司請領散給照依額內孤貧之例

舊志下全

育嬰堂在北城外天寧寺傍康熙四十四年知縣

王贊建

上全

產嬰堂在海口城內馬房坊乾隆元年水師副將

蘇福倡率士商捐建房屋兩座共十間

上全

養病所 生育處在縣治右旁屋各二間道光二

十年署知縣許夢麟建以居病人產婦之無家

者有碑 新增

海口惠愛醫局創於光緒十一年孫家恩李有慶等稟請道鎮府縣立案始由各善董擔任醫藥費勸募集資將雷瓊道義學齋舍改造移義學於南邊建頭門正堂共二進并廚厠各一所義學餘地均撥歸醫局繼由雷瓊道朱采撥定海口猪稅年三百兩各行集資發商生息并月捐為經費民國成立商董擴充院宇并義學舊址改造例廳捐題鉅款重建大門並後進三間規模大備

郡城愛生醫院始設於草坡天后廟由紳商善長相集銀十元生息資贖醫藥光緒二十年紳商吳為

瓊山縣志

卷六

建置九

義濟

七

熙王國憲等執簿勸捐督工建築頭門乙間正廳乙座寢室一座廚房兩眼厠所俱備工費銀二千餘元馮道光通撥猪稅年二百兩并捐廉乙千元

劉府尚倫捐廉五百元發商生息資贖醫藥均勸石

育嬰堂光緒十九年巡道朱采瓊州府劉名譽瓊山

縣張士理諭舉人粘世瑤建設李有慶劉振魁協理經費二千二百餘元朱道捐五百元劉府捐二百元瓊山縣張捐二百元周道炳勳捐乙百元餘由世瑤請縣撥倉庫秤羨餘抵滿由道庫撥猪厘年二百兩府撥海防經費二百兩原有瓊山縣軍門嶺等庄年四百八十千文作常年經費購卓家

房屋暨

長髮菴改造計四十間詳請立案由紳商值運今移建惠愛醫院南邊醫院兼管理

普濟堂在城北五里亭舊有藥王殿久廢乾隆三

十六年奉行查建普濟育嬰二堂巡道王錦知

府孫琦知縣李玉樹捐俸復建堂三楹房四十

間又勸紳士商民捐銀七千兩有奇置田收租

并發商生息以為堂中經費三十七年巡道德

成知府蕭應植署知縣閻睿蒲督同紳士籌畫

除歷年修造工費外實尚存銀六千餘兩當即

置買文昌定安二縣土名調軍嶺即軍門嶺等處水

旱田共五百八十二坵零用價銀三千五百兩

道光三年因各佃欠租盜典田畝經紳士控追

瓊山縣志

卷六

建置九 養濟

八

前道周鳴鑾委試用從九品王肇璜鋪道巡檢

司陳啟南勘丈核計實得田六百九十四畝七

分三厘七毫六絲其為五百九十二坵開列弓

步田形造冊詳報在案其餘銀二千五百七十

兩原發澄邁縣飭令置買田畝嗣據澄邁縣將

銀繳回存貯瓊山縣庫迺年止收交定二縣田

租不敷支給先後動用澄邁縣繳回田價銀一

百兩尚存銀二千四百七十兩至乾隆五十三

年交原捐紳士溫世澤等八家經理生息每年

約繳息錢二百餘千梟同田租支給至道光四

年署瓊山縣于學質以紳士經理日久恐滋弊

端令八家將所領銀二千四百七十兩繳還到縣歸官辦理隨卽買瓊山倒牛庄等處田共一百一十坵用價銀一千二百兩又支銷雜費銀七十兩除外實存銀一千二百兩由瓊山縣發當商生息道光十二年瓊山縣梁弼挪移動用旋解任去邑紳呈明巡道王鑄批令瓊山縣仍照舊按月支給口糧其生息本銀一千二百兩候咨追梁令措還歸欵現在尙未清繳其息銀每年由瓊山縣捐給普濟堂前後置買田地坵段租息并發當商本息銀數備列于後

一文昌縣軍門嶺等處水田五百七十五畝九分

瓊山縣志

卷六

建置九 養濟

九

八厘六毫七絲計四百零一坵旱田一百一十四畝七分五厘零九絲計一百九十一坵每年共額租錢三百千文

一瓊山縣倒牛庄等處田一百一十坵種子十九石六斗四升每年共額租錢一百三十三千文

一由瓊山縣發當商生息本銀一千二百兩按月以一分生息每年收息銀一百四十四兩分兩次繳完

以上每年通共收得租錢四百三十三千文又息銀一百四十四兩

道光五年署知縣張德馨奉查普濟堂藥玉廟

原有定安縣征解檳榔稅一欸查此項銀兩有
解無支即將此項銀兩復造普濟堂房屋十六
間大門一間并修舊房屋三間等處垣墻

一孤貧原額八十名

一每月每名給口糧錢五百文

一每月支玉皇廟香燈錢三百文

一看堂夫一名每月給工食錢九百文

一水夫一名每月給工食錢四百文

一孤貧如有病故支給收埋棺本錢一千六百文

遺缺即日補充年貌註冊勿致頂冒

一每年租息除發口糧工食外如有贏餘每名冬

瓊山縣志

卷六

建置五

養濟

十

季加給棉衣一件

一補充孤貧額缺瞽目者已有欸項在縣另給不

得兼充

以上俱
郡志

義莊在北門外大慈寺前道光十五年護道張瑄

春率幕僚等倡捐購地創建凡客死于瓊者皆

得寄厝庄內中爲地藏王殿三楹東西小屋各

八間大門二門各三間莊後餘地東二十六丈

北十一丈西二十四丈南十三丈五尺東廊後

餘地長七丈五尺廣四丈五尺西廊後餘地長

九丈五尺廣三丈如有寄棺年久無親屬領運

同籍者即于餘地內坐葬該地每年應納市稅

糧銀二兩瓊山縣認捐代納又因庄內經費不足將商民余春泉等先年所捐孟蘭會生息銀三百五十兩及已故澄邁司巡檢魏灝遺存瓊山澄邁縣庫共銀二百二十兩零一併撥入義莊置買田產公舉海關內館專司其事咨明關部行府縣有案并立碑記條規于莊內以垂久遠

遠檣案

漏澤園在城北教場西明成化間瓊山知縣周宣買民地創建東西五十二丈南北五十丈周繚以垣

舊志

義塚在郡城外西北隅五里許前知府湯愛鼎于

瓊山縣志

卷六

建置九 養濟

十一

康熙三十六年捐買荒地一坵收瘞無主枯骨四百有奇立有碑記三十八年知府賈棠又增買旁地收瘞寺觀寄存無主二百二十一棺其棺上原有姓名籍貫者各為立石識之四十五年又查各廟宇寄存無主十一棺于清明日焚

瘞全

鄭宅施地蘇宅捐地俱在城西四里二水村
金盤施地知府戴肇辰捐廉購置為貧民安葬
之所有碑記在道旁